

Kalaallit Nunaanni imartap killeqarfiata 3 sòmil-iniit 12 sòmil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalackersuisut peqquneqarnissaanik Inatsisartut aalajangiiffigisassaattut siunnersuut. Misissuineq Inatsisartut UPA2028-mut saqqummiunneqassapput.

(Inatsisartunut ilaasortaq Jens NapãtôK', Naleraq)

Siullermeerneqarneranut oqaaseqaat:

Siullermik Naleqqamiit Jens NapãtôK', Naleraq, siunnersuutaanut pingaarutilimmut qutsavigerusupparput. Naleqqamiillu imatut oqaaseqarfigissavarput.

Qangarsuaaniilli Inuit imarput angallavigivaat, inuussutissarsiorfinga, piniariarfigivaat. Imaq aamma sikungaluaraangat Inuit qangarsuaaniilli atungarivaat.

Maannali silaannaap allanngoriartornera ilutingalugu pissutsit allanngoriartupiloorput.

Tassa issittoq nunarsuup kissakkiartornerani allaat simariaammik sukkannerusumik kissakkiartorpoq. Taamaattumillu qalasersuarmi sikusarnera annikilliarporpoq. Saniatigut aamma issittumi imarpikkut aqqutit ammariartorput, issittumilu nunat ilaasa atorluarnialereerpaat.

Nunarpuit maanna Kunngaqarfiup ataani inissimatitaasoq siumoortumik qangali eqqarsalertariaqarpoq.

Taamaammallu maanna siunnersuut pingaaruteqarluinnarpoq. Oqarsinnaavungalu nammineerlunga sulissutigisimangakku, Nunanut allanut periusissiamut imatta nunatut killeqarfiata 3 sòmil- imiik 12- sòmil- imut allisinneqarnissaa, isumaqatigiinniarnerni allassimanissaa iluatsissimangakku.

Maanna takornariartaassuit, umiarsuit ilisimatusarnermut tunngatillugu nunatta imartaani angalasut ikittuinnaangillat. Taakkulu aamma nunaqavissunut takornartaajunnaarnikuupput. Aallaallumi tunup avannaarsuani takornariartaassuaq ikkarlikkaluarsimalluni.

Naleqqamiit pingaaruteqartipparput siunnessami pisussanut piareersimanissaq.

Tassami aajunaararsuusinnaavoq Nunatta imartaani nunarsuarmi assartuussuit annertuumik angalasalertut. Tassami imartarput, Inuit qangaaniilli atungarisaata sikusarnera annikillippat, soorunami shipping- imi aqqut sipaarutaasinnaaqisoq atorluarneqalertussaavoq, naak issittumi piumasaqaatit annertuneroreeraluartut.

Taamaattumik maannakkut piareersalereernissarput pisariaqarpoq.

12 s̆mil- imummi nunatta imartaata killeqarfia inissippat, unammillingassat suussappat, suullu aamma nunatsinnut iluaqutaasinnaappat, minnerunngittumillu imartarput qanoq pitsaanerpaamik mingutsittiffioratarsinnaaneranut piareersimassaagut. Aammalu soorunami qanoq aningaasatigut naleqassava aammalu qanoq aningaasarsiorfittut inississinnaavugut.

Periarfissammi eqqartorneqarsimasut paasinikuusama ilaat ukuupput:

Assartuussuit sikusiorsinnaasut kangianinganniit issittup imartaa aqqusaarlugu allaat Nunatsinni soorlu Nuummumut sikusartuunngittumut talittalersinnaapput, containererpassuillu umiarsuarnut allanut siammarterlugit. Tassa Island aamma taamannak pilersaaruteqarpoq. Taamaattumillu aningaasarsiornikkut periarfissat ammartussat, piareersimaffigisariaqarpagut, kingulliuussanngikkutta, periarfissatsialaasinaasorlu annaallugu.

Naleqqamiik paasisinnaavarput Nunanut allanut naalackersuisoqarfik ulapissuaartoq, taamaakkaluartorli Naleqqamiit pingaaruteqartipparput tulleriarinermi aammalu danmarkimi ministeriat suleqatigalugit suliassamik naammassinninnissaminnut piumassuseqarlutik, angusaqarsinnaajumaartut. Tassami aningaasaliineq, piareersarneq siunissamut aningaasarsiornissamut, sillimaniarnissamut, imartatsinnillu illersuinissamut pingaaruteqaqimmata.

Taamaattumik Naleqqamiit naangaassuteqanngivilluta, Jens Nap̆t̆t̆K', Naleraq, siunnersuutaa taperserparput, Naalackersuisullu allannguutissatut siunnersuutaat naammaginngilarput ullulernerqanngimmat ersarissumik. Siunnersuut Nunanut allanut, sillimaniarnermullu ataatsimiisitaliamut innersuupparput.

Qujanaq